

Oqaluuserisassanut nassuiaat.

(Inatsisartut Siulittaasuut)

Immikkoortut 41, 42, 43 aamma 44 aappassaaneerneqarnissaat maajip ulluisa 27-annut kinguartinneqarpoq.

Immikkoortoq 41: Inatsisartunut ilaasortat ulloq taanna Inatsisartunut qinerneqarnerminiit (ulloq qinersivik) aatsaat akissarsiaqartalernissaat pillugu Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaani nr. 22-mi, 18. december 2003-meersumi (Anin-gaasarsiat pillugit Inatsit) § 2 imm. 1-p allanngortinnissaanut siun-nersuuteqaqqullugit Naalakkersuisut peqquneqarnissaannik Inatsisartut aa-lajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Immikkoortoq 42: Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaani nr. 22-mi, 18. december 2003-meersup (akissarsiaqarnermut Inatsit) imatut allanngortinnissaanut siun-nersuuteqaqqullugit Naalakkersuisut peqquneqarnissaannik Inatsisartut aa-lajangiiffigisassaattut siunnersuut:

1. Naalakkersuisuni Inatsisartuniluunniit ilaasortaasimasut sivisunerpaamik ilaasortaajunnaarnersiaqarsinnaatitaanerat apparneqassaaq qaammatini aqqaneq-marlunniit qaammatinut arfinilinnut.
2. Inatsisartuni Naalakkersuisuniluunniit ilaasortat ukiup atuuffiusup ataatsip allartinnerani ilaasortaajunnaarnersiutisiassaat qaammammik ataatsimik ila-neqartassapput.
3. Ilaasortaajunnaarnersiutisiaqarnissap sivikinnerpaaffia maannakkut qaammatinik pingasunik sivisussuseqartoq qaammammut ataatsimut ap-parneqassaaq.

(Inatsisartunut ilaasortaq Randi V. Evaldsen, Demokraatit)

Immikkoortoq 43: Inatsisartut aamma Inatsisartut allaffeqarfiani aningaasartuutit tamanit takuneqarsinnaanngornissaat kiisalu kialluunniit paasiniaasinnaanngornissaa anguniarlugu Inatsisartut Suleriaasiata allanngortinnissaanut Inatsisartut Siulittaasoqarfia saqqummiusseqqullugu peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Immikkoortoq 44: Naalackersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarnissaanut Naalackersuisut UKA15-imi allannguutissatut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut, § 2 naapertorlugu partiinut tapiissutaasartut ersoqatigiinnerusumik agguataarneqarnissaat anguniarlugu, partiimut qinigaasumut tunngaviusumik tapiissutit 900.000 koruuninut annertusillugit, Inatsisartunullu ilaasortaaitamut ataatsimut tapiissutit 150.000 koruuninut annikillisillugit. Allannguat januaarip aallaqqaataani 2016-imi atuutilersinneqassaaq.

(Inatsisartunut ilaasortaq Justus Hansen, Demokraatit)

Immikkoortoq 123-p oqaluuserineqarnissaa maajip ulluisa 27-iannut kinguartinneqarpoq. Immikkoortoq 123: Allaffissornikkut ingerlatsiviup atugarisai aaqqissugaaneralu pillugit apeq-quteqaat aallaavigalugu oqallisissiamik siunnersuut. Ullumikkut pisortaqarfe-qar-nikkut aaqqissugaanerput nukissanik atuiffiulluarlunilu inuiaqatigiit angis-su-saan-nut kulturiannullu naleqqussagaava.

(Inatsisartunut ilaasortaq Naaja H. Nathanielsen, Inuit Ataqatigiit)

Ilaasortat uku akornganni taasisarnerit pillugit isumaqatigiissuteqartoqarpoq:

Randi V. Evaldsen, Demokraatit aamma Aqqaluaq B. Egede, Inuit Ataqatigiit

Tille Martinussen, Demokraatit aamma Iddimanngiu Bianco, Inuit Ataqatigiit